



Broj: 02-14-145-09/19  
Sarajevo, 21.05.2019.

Na osnovu člana 64. stav 1. tačka b), člana 70. stav 1., 2., 3. i 6., člana 88. Zakona o javnim nabavkama ("Službeni glasnik BiH", broj: 39/14), na preporuku Komisije za javne nabavke, u postupku javne nabavke goriva, potpredsjednik Federacije BiH, kao ugovorni organ, donosi

## **ODLUKU** **o izboru najpovoljnijeg ponuđača**

### **I**

U cilju odabira najpovoljnijeg ponuđača, u provedenom postupku javne nabavke Konkurentski zahtjev za dostavu ponuda za nabavku goriva za potrebe Kabineta potpredsjednika Federacije BiH - 1102, evidencijski broj nabavke 02-14-145-01/19 od 19.04.2019. godine, broj obavještenja o nabavci sa portala javnih nabavki: 485-7-1-23-3-5/19 , kao najbolje ocijenjena prihvatljiva ponuda je ponuda ponuđača HIFA Petrol d.o.o. Sarajevo, sa cijenom ponude bez PDV-a, u iznosu od 14.140,00 KM, odnosno sa uračunatim PDV-om ponuda iznosi 16.543,80 KM.

### **II**

Ponuđač iz člana I ove Odluke ocijenjen je kao najpovoljniji, jer ispunjava sve uslove postavljene tenderskom dokumentacijom, a ponudio je cijenu koja odgovara procijenjenoj vrijednosti nabavke ugovornog organa.

### **III**

Prijedlog Okvirnog sporazuma dostavit će se na potpis izabranom ponuđaču najkasnije u roku od 10 (deset) dana računajući od dana kada svi ponuđači, koji su učestvovali u predmetnom postupku nabavke, budu obaviješteni o izboru najpovoljnijeg ponuđača.

Izabrani ponuđač dužan je dostaviti dokaze o kvalificiranosti, u roku od tri (3) dana nakon što bude obaviješten od strane ugovornog organa o rezultatima postupka nabavke, a prema tački 2.1. iz Tenderske dokumentacije.

### **IV**

Ova Odluka će se objaviti na web stranici Kabineta potpredsjednika Federacije BiH i istovremeno će biti upućena ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

### **V**

Ova Odluka stupa na snagu danom donošenja.



**OBRAZLOŽENJE**

Postupak javne nabavke pokrenut je Odlukom o pokretanju postupka javne nabavke goriva broj: 02-14-145-01/19 od 19.04.2019. godine.

Procijenjena vrijednost javne nabavke bez PDV-a je do 20.000,00 KM.

Javna nabavka je provedena putem Konkurentskog postupka javne nabavke.

Obavještenje o nabavci objavljeno je na Portalu javnih nabavki pod brojem 485-7-1-23-3-5/19, dana 26.04.2019. godine.

Poziv za učešće zajedno sa Tenderskom dokumentacijom dostavljen je na tri adrese istovremeno sa slanjem obavijesti i objavom Tenderske dokumentacije na Portalu javnih nabavki i to:

1. "Hifa Petrol" d.o.o. Sarajevo, Vogošća
2. Petrol BiH Oil Company d.o.o. Sarajevo
3. Energopetrol d.d. Sarajevo.

Tendersku dokumentaciju, sa Portala Javnih nabavki, preuzela su još (4) četiri privredna subjekta.

U predmetnom postupku nabavke jedan (1) ponuđač blagovremeno je dostavio svoju ponudu. Nije bilo neblagovremenih ponuda. Ponudu je dostavio ponuđač "Hifa Petrol" d.o.o. Sarajevo,

Komisija za javne nabavke koja je imenovana Rješenjem broj: 02-14-27-03/19 od 14.01.2019. godine izvršila je pregled i ocjenu zaprimljene ponude, te konstatovala da je ista prihvatljiva.

Tenderskom dokumentacijom predviđena je e-aukcija. U članu 3. Pravilnika o uslovima i načinu korištenja E-aukcije propisano je "U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona. Obzirom na gore navedeno E - aukcija nije održana.

Nakon izvršenog pregleda i ocjene ponuda, Komisija je dostavila potpredsjednici FBiH Zapisnik o pregledu i ocjeni ponuda broj: 02-14-145-08/19 od 20.05.2019. i preporuku o izboru najpovoljnijeg ponuđača Hifa Petrol d.o.o. Sarajevo, sa registrovanim sjedištem na adresi ul. Hotonj bb, 71230 Vogošća -Sarajevo, ID broj 4200999090005 za predmetnu nabavku.

U postupku donošenja ove Odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača i ocjenu ponude, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač odabran je primjenjujući kriterij "najniža cijena".

Uzimajući u obzir naprijed navedeno, odlučeno je kao u dispozitivu ove Odluke.

**Pouka o pravnom lijeku:** Protiv ove Odluke može se izjaviti žalba u roku od pet (5) dana od dana prijema ove Odluke, prema odredbama člana 101. stav (5) Zakona o javnim nabavkama ("Službeni glasnik BiH", broj: 39/14).

Dostaviti:

1. Hifa Petrol d.o.o
2. Odjel za Opće, pravne i finansijske poslove
3. Arhiva



Potpredsjednik  
Federacije Bosne i Hercegovine  
Melika MAHMUTBEGOVIĆ